

PUO YA BOPHATLALATSI BA DITABA MABAPI LE HO TSHWARWA HA DIKEPE KE SARS

Tshwane, 20 Loetse 2023 - Ditshebeletso tsa Lekgetho tsa Afrika Borwa (SARS) di hlokometse tlaleho ya bophatlalatsi ba ditaba ya la 17 Loetse 2023 ya Sunday Times e mabapi le ho tshwarwa ha dikepe tse hlano tseo e leng karolo ya lethathama la polokelo ya mafura dikepeng. Ho tloha ka 2016 SARS e ntse e buisana le indasteri ya mafura le ho kgothaletsa boikobelo ba melao e mabapi le thomelohare, kgwebisano le diketsahalo tse ding tsa tshebetso ya dikepe tseo e leng karolo ya phephelo ya mafura.

Ho bapa le dipuisano tsena, SARS le yona e ne e ntse e etsa diphuputso mabapi le boikobelo ba polokelo ya mafura, mme ho tshwarwa ha dikepe tsena tse boletsweng lesedinyaneng lena ke karolo ya diphuputso tsena tse ntseng di tswela pele.

SARS e tiisa hore ho tshwerwe dikepe tse mmalwa ho latela dintlha tsa Molao wa Bolaodi ba Meedi le tse kenang le ho tswa ka naha wa 91 wa 1964. Sena se entswe ho latela diphuputso tsa tlwaelo tsa hore na dipehelo tsa Molao ona di thuntheditse kapa tjhe. Ntlhakemo ya SARS ke hore tshwaro ena e molaong mme erekaha diphuputso di ntse di tswela pele, ha ho qeto e entsweng ya hore dikepe tse jwalo di hapuwe.

Khomishenara ya SARS Mong. Edward Kieswetter o itse "SARS e tlameha ho phethahatsa molao ntle le leeme, ntle le tshabo, le ntle le ho inkela diqeto le ho etsa diphuputso ka tsela e nang le boikarabelo le ho latela motjha o seng leeme. SARS ha e na maikemisetso a ho nonyetsa kgolo ya ikonomi kapa hona ho ba le seabo bothateng ba tlhokeho ya mesebetsi, bofuma le ho se lekane."

Khomishenara o kopile balefalekgetho le bahwebi ho ikobela boitlamo ba bona ba tefo ya lekgetho le ba Bolaodi ba Meedi. O tobokeditse hore SARS e keke ya qeaqea ho ba le letsoho le matla ho netefatsa hore ho se ikobele tefo ya lekgetho e ba ntho e thata le e ditjeo di hodimo bakeng sa bao ba iphaphanyang le boitlamo ba bona ka boomo. Boipiletso ba rona ho balefalekgetho le bahwebi bohle ke hore: "ikobele molao, ho seng jwalo o tla tobana le diphetho tsa ho se etse jwalo".

Ho fumana lesedi le fetang lena, ka kopo ikopanye le SARSMedia@sars.gov.za